

EG 342 Melodie: Es ist das Heil uns kommen her

De Bibel, de is ein Geschenk,
will Hülpe taun Gottvertrugen
uns gäben. Doch sünd w' ingedenk,
dat väle ok sick schugen,
vertruglich mit ehr ümtaugahn;
sei koen'n so välet nich verstahn
un laten ehr links liggen.

Verglik dit Bauk mit Brotkuurn so:
Up Halmen wasst de Samen,
un ut de Halmen ward denn Stroh,
aust't ward denn beid's tausamen.
Doch von de Küürn , dor läben wi,
dat väle Stroh blifft oewer bi;
de Küürn uns Sägen bringen.

Wi hemm' de Bibel nich ahn Stroh,
möt'n uns de Arbeit maken,
de Küürn tau winnen. 't is doch so,
dat heil väl Läbenssaken
stahn in de Bibel; moeglich is 't,
dat du von wat deip anrög't büst.
So bringt dit Bauk di Sägen.